

14 февраля 2026. Вселенская родительская (мясопустная) суббота. Поминовение усопших

14 февраля 2026. Вселенская родительская (мясопустная) суббота. Поминовение усопших

Вечерня (приходская)

Стихиры на «Господи, воззвах»

Канонарх: Глас 2, Господи, воззвах к Тебѣ, услыши мя.

Лик: Господи, воззвах к Тебѣ, услыши мя./ Услыши мя, Господи./ Господи, воззвах к Тебѣ, услыши мя:/ вонми гла-су молѣния моего,/ внигда воззвати ми к Тебѣ.// Услыши мя, Господи.

Да исправится молитва моя,/ яко кадило пред Тобою,/ воздеяние руку мою/ жертва вечерняя. // Услыши мя, Господи.

Октоих, глас 2, Родительская суббота

На 6, стих: Аще беззакония назириши, Господи, Господи, кто постоит? / Яко у Тебѣ очищение есть.

Иже земныя сласти не возлюбивше страсотѣрпцы,/ Небесным благим сподобишася,/ и Ангелом сограждане быша:// Господи, молитвами их помилуй, и спаси нас.

Стих: Имене ради Твоего потерпѣх Тя, Господи, потерпѣ душа моя в слово Твое, /

упова душа моя на Господа.

Святым мучеником молящимся о нас,/ и Христа поющим,/ всяка прелесть престави,// и человеческий род верою спасается.

14 февраля 2026. Вселенская родительская (мясопустная) суббота. Поименование усопших

На 4, стих: От стражи утрення до ноци, от стражи утрення, / да уповает Израиль на Господа.

Лицы мученичести противишася мучителем, глаголюще: / мы воинствуем Царю Силам: / аще и огню и мукам предадите нас, // не отнетаемся Троицкия силы.

мясопустной субботы на 3, глас 8

Глас 8. Стих: Яко у Господа милость, и многое у Него избавление, / и Той избавит Израиля от всех беззаконий его.

От века мертвых днесь / всех по имени, верою поживших благочестно, / память сотворяюще вернии, / Спаса и Господа воспойм, просяще прилежно / сим в час суда ответ благий дати, / Тому Самому Богу нашему, / всей судящему земли, / деснаго Его предстояния получитьи в радости, / в части праведных, и во святых жребии светлех, // и достойным быти Небеснаго Царствия Его.

На 2, стих: Хвалите Господа вси языцы, / похвалите Его вси людие.

Твоею кровию человеки Спасе искупивый, / и смертью Твоею от смерти горькия избавивый нас, / и жизнь вечную подай нам Воскресением Твоим, / вся упокой Господи, усопшия благочестно, / или в пустынях, или в градах, или в мори, / или на земли, или на всяком месте: / царь же, священники, архиереи, / монахи, и бельцы в возрасте всяком всеродном, // и сподоби я Небеснаго Царствия Твоего.

Стих: Яко утвердися милость Его на нас, / и истина Господня пребывает во век.

14 февраля 2026. Вселенская родительская (мясопустная) суббота. Поименование усопших

Из мёртвых востанием Твоим Христе, / не ктому́ смерть
обладает умершими благочестно. / Темже молимся при-
лежно: / рабы́ Твоя упокой во двóрех Твоих, / и в нédрах
Авраáма, от Ада́ма да́же до днесь, / послужившия Тебе́ чи-
сто, / отцы́ и бра́тию на́шу, / дру́ги вку́пе и срóдники, /
всякаго челове́ка, в жити́и послуживша вёрно, / и к Тебе́
преста́вльшася многови́дно и многообра́зно, Бо́же, // и
сподо́би я́ Небе́снаго Ца́рствия Твоего́.

Слава, глас 8:

Слава Отцу́, и Сы́ну, и Свято́му Ду́ху.

Плачу и рыдаю, / егда́ помышляю смерть, / и ви́жду во гро-
бэх лежа́щую / по образу́ Бо́жию создáнную на́шу
красоту́, / безобра́зную, и безсла́вную, / не иму́щую ви́да. / О́ле
чудесе́! / Что е́же о нас си́е бысть та́инство? / Ка́ко преда́-
хомся тлени́ю? / Ка́ко припряго́хомся сме́рти? / Вои́стинну
Бо́жиим повелéнием, / я́коже есть пи́сано, // пода́ющего
преста́вльшимся поко́й.

И ныне, глас 2:

и ны́не, и прісно, и во ве́ки веко́в. Ами́нь.

Пре́йде сень зако́нная, / благода́ти прише́дши: / я́ко же бо
купи́на не сгара́ше, опаля́ема, / та́ко Де́ва родила́ еси́ / и
Де́ва пребыла́ еси́. / Вме́сто столпа́ о́гненнаго / пра́ведное
возсия́ Со́лнце, / вме́сто Моисе́я // Христос, спасéние душ
на́ших.

Прокимен

14 февраля 2026. Вселенская родительская (мясопустная) суббота. Поименование усопших

Диакон: Аллилу́ия, Аллилу́ия, Аллилу́ия.

Лик: Аллилу́ия, Аллилу́ия, Аллилу́ия.

Диакон: Блаже́ни, я́же избра́л и прия́л еси́ Го́споди, и па́мять их в род и род.

Лик: Аллилу́ия, Аллилу́ия, Аллилу́ия.

Диакон: Ду́ши их во благі́х водворя́тся.

Лик: Аллилу́ия, Аллилу́ия, Аллилу́ия.

Стихиры на стиховне

Октоих, глас 2, Родительская суббота на 3

Канонарх: Глас 2, Вѣлія сла́ва, ю́же стяжа́сте святи́и ве́рою.

Вѣлія сла́ва, ю́же стяжа́сте святи́и ве́рою: / не то́кмо бо в страда́ниих врага́ победи́ли есте́, / но и по сме́рти ду́хи прогоните́, / недужны́я исцеля́ете, ду́ш и теле́с вра́чеве: / моли́тесь ко Го́споду, // поми́ловатися душáм на́шым.

Стих: Блаже́ни, я́же избра́л. /

Лик: и прия́л еси́, Го́споди.

Я́ко цвѣт увяда́ет, / и я́ко сень ми́мо грядѣ́т, / и разруша́ется вся́к челове́к: / па́ки же глася́щей трубѣ́, / ме́ртвии я́ко в тру́се вси́ воста́нут ко Твоему́ срѣтению́, Христе́ Бо́же. / Тогда́ Влады́ко, ихже предста́вил еси́ от нас, // во святи́х твои́х учини́ кро́вех ду́хи ра́б Твои́х.

Стих: Ду́шы их. /

Лик: во благі́х водворя́тся.

Увѣ́и мнѣ́, коли́к по́двиг има́ть душá разлуча́ющися от теле́се! / Увѣ́и мнѣ́, тогда́ коли́ко слези́т, / и не́сть и́же поми́лует ю́! / Ко А́нгелом о́чи возводя́щи, безде́льно мо́лится: / к челове́ком ру́це простира́ющыи, / и не има́ть помога́ющаго. /

14 февраля 2026. Вселенская родительская (мясопустная) суббота. Поминовение усопших

Тёмже, возлюбленная моя брáтие, / разумёвше краткую нашу жизнь, / престáвленным покоя от Христа́ прóсим, // и душáм нáшим вéлию мíлость.

Слáва, глас 6:

Слава Отцú, и Сыну, и Свято́му Дúху.

Начáток ми и состáв зиждíтельное Твое́ бысть повелéние: / восхотéв бо от невидимаго и видимаго естества́ жíва мя состáвити, / от земли́ úбо тéло созда́в, дал же ми еси́ дúшу, / Божéственным Твоём и животворящим вдохновéнием. / Тёмже Спáсе, рабы́ Твоя́ во странé живы́х, // и в крóвех прáведных упоко́й.

И ныне, глас 6:

и ны́не, и прíсно, и во вéки векóв. Амíнь.

Молíтвами Рóждшия Тя, Христé, / мученик Твои́х, и апóстол, и проро́к, / и святíтелей, преподóбных, и прáведных, и всех святы́х // усóпшия рабы́ Твоя́ упоко́й.

Тропари

Тропарь мясопустной субботы, глас 8

Глас 8. Глубинóю мúдрости человеколю́бно вся стрóяй / и полéзное всем подава́яй, / Едíне Содéтелю, упоко́й, Гóсподи, дúши раб Твои́х, / на Тя бо упováние возложíша, // Творца́ и Зиждíтеля и Бóга нáшего.

Слáва Отцú и Сыну и Свято́му Дúху и ны́не и прíсно и во вéки векóв. Амíнь.

14 февраля 2026. Вселенская родительская (мясопустная) суббота. Поминовение усопших

Глас 8. Тебѣ и Стѣну и Пристѣнище ѣмамы, / и Молѣтвенни-
цу благоприятну к Бѣгу, / / Егѣже родилѣ еси, Богородице
безневѣстная, вѣрных спасѣние.